



WOMAN, WHY WEEPST THOU? JAN MARK R. RUGH

Elōn Rikamḡol Ro kōn Jerkakpeje eo An

“**I**j tōmake elōn rikamḡol ro kōn Jerkakpeje eo an Rilomḡor ro imene-ne ko im naan in kamḡol ko aer jej loi ilo Kalimḡur Ekāāl—Piter im ro mōttan Joñoulruo ro im eo ejitenbōro, Meri Magdalini ilubwilijin ro jet. Ij tōmak naan in kamḡol ko loi ilo Bok in Mormon— an Rijilōk Nipai im jarlepiju eo ilo āneen Buñpeļok, ilubwilijin ro jet. Im ij tōmak naan in kamḡol eo an Josep Smith im Sidney Rigdon ro, ālkin elōn bar naan in kamḡol ko, rekar kwaļok kamḡol eo eļap ilo epepen in ilo raan ko āliktata “bwe E emour! Bwe kōm ar lo E.” Kōn mej ko mejān ilo an reitoretak, ij jutak āinwōt juon ri kamḡol bwe Jisōs ri Nazeret ej Ripinmuur eo eaar jerkakpeje, im ij kamḡol kōn aolep men ko rej jebartok jān *mool* in Jerkakpeje eo An. Jemaroñ ke bōk kamḡol im kaenḡmḡan jān ejja kamḡol in wōt.”

Elder D. Todd Christofferson jān Doulul eo an Joñoulruo Rijilōk ro, “Erom juon Rikamḡol an Kraist,” *Liahona*, May 2014, 114.

Am Make Łūñūri ilo Buruōm: Meñe jaar jab pād ilubwiljin ro raar lo Ānbwinin Ripinmuur eo ewāppen im emḡoj an jerkakpeje, jej maroñ wōt jutak āinwōt rikamḡol ñan E rainin. Jen mije E aolep iien ilo mour ko ad, jekdoon iien eo kab ia eo jej pād ie. Kajjojo iien jej aje ļok buruōd im peid ñan jermal ñan ro jet; kwaļok meanwōd, jous, im kautiej ñan aolep; dāpij mool eo; im kwaļok naan in kamḡol kōn gospel eo an, jej jutak āinwōt rikamḡol ro remḡol an Jisōs Kraist.

KOMELE JAN WALK WITH ME, JAN GREG OLSEN, EMARON JAB KAPE

Jej Jab Aikuj Etetal Make laad ilo Iaļ In

“**J**uon iaan kaenḡmḡan ko reļļap ilo Ijtō in ej bwe kōnke Jisōs eaar etetal ilo juon iien eo eaitok, eajimateke, *jej* jab aikuj kōmḡan āindein. Iaļ eo an ejimateke eaar kōmḡan bwe en wōr mōttad ilo iaļ ko āinwōt ļok ial eo An—tūria-mḡ im kea eo an Jemed Ilañ, jemjerā in lōke eo an in Nejin Ejitōn bōro, menin letok eo ekwojarjar an Jetōb Kwojarjar, enjeļ ro ilo Ilañ, ro uwaan baamļe ko ilo ijoko turājet in nuknuk rañōl, rikanaan ro im rijilōk ro, rūkaki ro, ritōl ro, im ro mōttad. Aolep rein im elōñļok emḡoj leļok ñan er āinwōt ro mōttad ilo iaļ in ad ilo mour in kōn Pinmuur eo an Jisōs Kraist im Jepļaaktok eo an gospel eo An. Anjḡ jān ijo eutieļ ilo Calvary ej mool eo bwe jejāmin make iaad ak atajinemjen, meñe jet iien jemaroñ eñjake bwe jej make iaad. . . .

“ . . . Jen jutak kōn Jisōs Kraist ‘ilo aolep iien im ilo aolep men, im ilo aolep jikin bwe [jen] maroñ pād ilo, aaet mae mej,’ aaet emool eñin wāween an kar jutak kōn kōj *mae* mej im ekar kōmḡan menin make iaan.”

Elder Jeffrey R. Holland jān Doulul eo an Joñoulruo Rijilōk ro, “None Were with Him,” *Liahona*, Māe. 2009, 88.

Am Make Łūñūri ilo Buruōm: Ijtō In, keememeļ Iaļ eo an Rilomḡor Āliktata, im Ejimateke. Eaar wūjlepļok men otemjeļ bwe kwe im kajjojo armeļ ilo Iaļ in remaroñ erreo im bōk mour indeeo. Ekkatak jān waanjoñak ko An rewāppen. Likūt E ilo ļōmḡak ko am im ilo buruōm. Im aolep iien kwon keememeļ bwe kojjab make iaam. Kōnke Eaar niknik ilo Iaļ eo āliktata ilo an kar make iaan im kadedeikļok, Eban katajinemjen eok. Iakwe eo an ñan kōj ejeļok jemļokin, im E ej pojak ñan letok aeñḡmḡan, kaenḡmḡan, im kōjatdikdik ilo ami wōnḡaanļok wōt ilo iaļ in am make. Menin letok eo an Pinmuur eo ej mour indeeo, im emḡoj letok ñan kōj. ■

Lale wāween an Kwojkwoj in Kijone jipañ kōj meļeļe kōn Ijtō ilo lds.org/go/41817.

